

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

حمامة طايفة على الحرم

اداء جماعى لنجود ومجموعة من الفنانين المصريين
قصيدة تسرد بعض الادوار البطولية للحمام فى الحرمين

حمامة طايفة على الحرم
عند الصباح فاردة الجناح

مليانة بالتقى والصلاح
نديانة بالخير والسماح
في أمن مطلوقة سراح
شكل الحسنات الملاح

جذك ابابيل الكبير
لي جيش عدو البيت اطاح
بحجارة من سجيل يطير
وكان درس واعظم سلاح

في الغار عظمتك كالجبال
لي طه تحرسي كالرماح
خايفة الهلاك ثم الوبال
خبرك أكيد كالطيب فاح

الكعبة لي بيت الرسول
خريطة لي طيران متاح
جيش ابرهة كيفن يصول
بالانتصار والانشراح

وافعى كانت في النعال
كان تختبئ في شر بواح
قالت تسم ماحي الضلال
شلتها كف فوق البطاح

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

وتاكلي من ايد الحبيب
القمح وتشربي من قراح
كالبصري عالمننا اللبيب
في القبة تسكني كالوشاح

حين جيتي للنبي تشتكي
وكلك هياج فهم الصياح
اصدر قرارو السركي
ردوا الفراخ بلا مزاح

صليت على خير البشر
الكلو خير ما فيه شر
الما ظلم والما كشر
والحسنة ميزانا بعشر

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

قصة البعير

اداء جمال فرفور

قصيدة تحكى قصة البعير الذي استجار واستنجد بالنبي صلى الله عليه وسلم
من الذبح

يا حالي لي قيد الاسير
لي كافة المخلوق يجير

قال جابر الراوي الكبير
وخرجنا في سفر نسير
مع النبي في خير سير
ووقفنا نرتاح من هجير

جلسنا في كنف البشير
نتأمل الوجه النضير
نتنسم الطيب والعبير
ورائحة المسك اليطير

وجاهو في المجلس بعير
وبكالو بالدمع الغزير
وقالو يا طه الأمير
أنجدني يا سيدي المنير

جيت ليك بي خوف الزفير
جيت الرسول بيك مستجير
يا راحم السن الكبير
وشايل الأمر العسير

جيت أشكو من شر العشير
خدمتو من جملا صغير
خدمتو من عشرين كثير

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

وسل سيفه من الجفير

نادى النبي صاحب البعير
ما قصة العير الحسير
قالو البعير أصبح عزيز
واشتقنا لي لحمو الوفير

ونوينا ذبحو فما تشير
وأكل شحومات الصدير
قال النبي انا ليه مجير
واشتري بسعرا كثير

قال الرجل صحى لي ضمير
ورسولنا بالرحمات جدير
ووهبتو ليك هبة يا البشير
يعيش الامان ياكل شعير

أدعوك يا رب يا قدير
يا عالما بالناس خبير
صل على جابر الكسير
يا زایل الهم المرير

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

جبل احد

اداء محي الدين اركويت

قصيدة تتحدث عن فضائل جبل احد

أحد يا جبل الحب الهائم
وفي الجنات مقامك دايم
أظنك دايمًا قايماً وصايم
أحبك أريدك حافي وحائم
لاكا عبوس وماكا اللائم
أحبو جوارك صاحي ونايم

انت جبل حبيب يا راسي
حبنا ليك عميق الساس
بتمسح فينا هموم اليأس
نحن نزورك فرض اساسي
حبك يزيد في قلبي حماسي
وفيك بنقضي احلى اماسي

ندخل طيبه سريع عجلنا
تظهر فيك افراح وحجلنا
كل الزار لي سوحك هنى
انت ركن في اركان الجنه
يحكوا حكاية الجبل الحنى
برسول الله وأصحابه تننى

احد ميزان للنبي يحسبو
قيراط الاجر حساب الرب
للقدمو تزن الجبل الرحب
للاجرؤ تقيل عملوا وكسبو

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

وللذنوب كثير يشيل ويسبو
ضرس النار هوان يوصفو

ونبيننا يقول من زارك عام
ياكل الشوك لو مافي طعام
كونو السر في طعام وسلام
وأي نبات في الجبل الشام
جبل في قلوبنا نختو وسام
ونغني ونكتب احلى كلام

صلاتي عليك يا طه الامي
روحي فداك وابويا وامي
وولدي وبنتي وخال وعمي
صلاتي تزيل لهمي وغمي
عدد افراد المسلم وذمي
عدد قطرات الماء والدم

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

زَمَزَم
أداء منال بدر الدين
واداها ايضا عبد العظيم الفاضل
لحن الشافعي شيخ ادريس

عندما تتأزم
إشتقي من زمزم
بالموية

شادها جبريل
يسقي اسماعيل
في الدقيقة تكيل
أربعة براميل

ببر جوار الكعبه
منها نشرب نعبي
ببر أشادت شعبا
دونا كانت صعبا

والحقيقة الهامة
للمعادن لامة
خالية من الطامه
ومن عناصر سامه

يكفي فخرا ليها
طه مضمض فيها
أيضا عالج بيها
وللمدينة مجيها

من عيون الجنه
ومن نفاق صدنا
من امراض قونا
ومن عطش أرونا

ماء طعام طعم

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

والشفاء للسقم
للبلاد والحرم
والشقايا انحرموا

من مناقبه وندري
ببيه غسل الصدر
في عروجه ويسري
بالبراق للسدر

إسمها الشبابة
ليوم قيام الساعة
العزيزة مشاعة
للشراب والبيعة

سيدها العباس
يسقي بيها الناس
فيها شبية وفاسوا
والنبي وانفاسو

من نفاقنا حجابا
دعوة فيها مجابه
وأية من إعجابا
تزيد قواك ونجابه

صل رب وسلاما
للبضوي ظلاما
القديم اسلاما
عندي فيه احلاما

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

ناقة النبي المأمورة
أداء وليد زكي الدين
أيضا أداها الامين البنا
الحان الشافعي شيخ ادريس

الشالت الرسول مسرورا
ناقة النبي المأمورة
السموها بالقصواء
والجذعاء والعضباء
السريعه في الحصواء
في الفردوس للزهراء
مضارب قشير مشراها
للنبي الكريم بشرها
يوم الهجرة لا انسها
والصديق يرافق طه
المشرية ما مكريه
بالدراهم أربعمية
أبيض لونا بس عفريه
الساكنه البقيع مرخيه
ناقة جميل المحيا
التطيق نزول الوحيا
التفوز سباق الضاحيه
سافر بيها في كل ناحيه
الخابره الدروب والسكه
النشيطه ما بتتلكا
الفوق الجمال الملكه
جاهد بيها بدر ومكه
القادوا الكرام لزاما
والصحابه تمشي اماما
الوفيه ليهو وغراما
عافت بعده قش وطعاما
الرسول أشاد بخصالا
الخدمه دين ورساله
الصلاة العظيم مكيالا
سلام للرسول والآل

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

البقيع

أداء محمود عبد العزيز
ايضا اداها وليد زاكي الدين
ومجموعة الكوثر
الхан يوسف القديل

بقيع زي دا أصلو ما زرنا
دا في الحسبان تربة في الجنة

قبور من نور تشع صافي
بقيع في الدين فضلوا ما خافي
من الموجود حارت أوصافي
من الأصحاب عشرة آلاف

حدا المدخل زينب ورقيه
وأم كلثوم عترة مرضيه
يلا قوم زوره واخلص النيه
وللأرواح فاتحه مهديّة

في غربو حي للزوجات
نساء طه أعظم الأمات
يلا حي وزور أكرم الأموات
والمدفون فيه حي ما مات

جنوب غربو حيي للعباس
وآل البيت اليزيلو الباس
تشرف بي فاطمة ست الناس
والحسنين عترة الفراس

شمال غربو مدفن العمات
والخيرات والبركات
الفيهو سادة السادات
الشهدوا أعظم الغزوات

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

في شرقو حيي لي عثمان
ذو النورين جامع القرآن
صحاب طه درة الأزمان
دليل أعلام ختموا بالإيمان

بقيع مرضي ربي ليه أجاز
بقيع الخير سعد بن معاذ
بقيع يحشد النجوم وعزاز
وللجنات مرور وجواز

جوار مالك زرنا ود مظعون
أول من في البقيع مدفون
واين عوف سدد المديون
أحصى الله والثواب مضمون

لا تنسى فاطمة أم كرار
وابراهيم فلذة المختار
واسعد سيد أمرة الأنصار
والوقاص هد كسرى نهار

شمال شرقي فيهو لو تدري
ستي حليلة والخدري
والصلوات عدد القطر
على المختار مدة الدهر

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

شمس الصباح اداء ثنائي الصحوة

كوثرنا يا شمس الصباح
اذاعة منشورة الجناح

إذاعة تنشر للصلاح
وتعالج الهم والجراح
مأمورة بالخير والمباح
يا ربي ارزقنا النجاح

إذاعة للهادي البشير
اللي الخلق شاير مشير
مال القمر وكنتين يشير
ينجدنا في يوم النشير

إذاعة للمختار وفا
التنقل الجفا لي صفا
في كيد ظاهر وما خفى
احتار عدوها يوقفا

يا طه يا ودالحسين
سل سيفك الحاد الستين
كوثرنا لا تشهد انين
وتعلم الناس والبنين

للمرسول مرسال عدل
ما بنرضى بي غيره البديل
جانب الاذن كان الوكيل
من الله شكره يكون جزيل

يا تربية سيدي الحسن
يا معافر أصعابا قسن
قود الزمام قود الرسن
كوثرنا لا تعرف أسن

صليت على النور المبين
العاقب النابر الجبين
للعاذي في الكوثر يبين
من قلبي ويشيل الغبين

ديوان القمر الهاشمي

الراوي الدكتور / خالد أحمد المصطفى (رحمه الله)

مديح المخلوقات



الحطيم

يا حجيح زور للحطيم
حجر اسماعيل الذبيح
واسال الله الرحيم
تنجو من نيران وفيح

حيي للكعبه العتيقه
حجر اسماعيل شمالا
وادعو بالكلمه البليغه
وانت طائف في جمالا

الحطيم هو الحجر ذاته
حجر اسماعيل ابونا
قبر اسماعيل جهاته
يشهد السادات كهولنا

الحطيم في شكل حدوه
وتم طوافك من وراها
وللدعاء في الكعبه جدوى
والخلق راجيه البراها

والحطيم امتارو سته
تلاته قول من بيته
وشرفت يا بيت الله طبت
وبالهيام وغرام قد هويته

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

في الحطيم صلواتا عايشه
والحطيم من بيته قطعه
وبالخشوع والتقوى جايشه
وبالعلوم والنور سطعا

والدعا يا خليل مجاب
في حطيم بيتنا الحرام
ودا السعيد من ربي جابه
يلقى سعه وكل مرام

صلي يا قدوس وباري
على نبي الخير والشفاعة
والسلام كالنهر جاري
ونلقى في الآخرة الدفعا

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

النخلة

علاقة النبي بالنخلة حميمة
نخله تحبو بنيه سليمه
صلوا عليه وسلام تسليما
قال اكرموا للنخله يا امه
وهي كمان في مقام العمه
من طينة آدم حين تما
خلقت نخله وصارت علما
وكان يبحب النخل وجريدو
دايما يشيل عرجون في ايدو
وياكل تمر وورطبو يريدو
وعجوة علاج لسحر شديو
بيوتو كمان بالنخل سقوفا
سوارى جذوع تضمن لوقوفها
لا بنى طين لا طوب برفوفا
وكان النبي في الدنيا عزوفا
مشهورة حكاية الجزع الانى
وصوت النخله بكت بمحنه
حضرها النبي بشرها الجنه
ولولا ذاك لسمعنا الرنه
عذق النخله نزل يتدلى
ليشهد انه رسول للمولى
وكانت آيه لناكر القولا
فصاح العذق وقال نبي الله
وكان آخر ما استاك نبينا
بعود النخل يقولو رواتو
سيدنا النبي محبوبنا ولينا
عليهو سلام الله وصلاتو
صلاتي عليك قايد الحمله
صلاتي تكيل وتعبي وتملا
صلاتي عليك فرادي وجمله
عدد امطار ومياه منهما

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

خيول النبي

خيول النبي
في العد قول سبعة
لعبادة الجهاد
والخيل كريم طبعه

اربعه اشتراهم
وتلاته جاتو هديه
موضوعات براهيم
والخيل طباعا ابيه

السكب الاغر
اول فرس يمتلكو
خيل اسود وحر
رايع جريهو وسبكوا

ثم جواده سبحة
بطل السبق للخيل
الخطواته شبحة
يطوي النهار والليل

وخيله المرتجز
اب صهله حلوه نبيل
سريع الما عجز
وبياضو لونو فضيله

واللزاز حصانو
اكثر غزاتو شهود
من عين ربي صانو

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

قوي زي الاسود

وقول الورد خيلو
بين اشقر واحمر
يعجب ليك حيلو
لكل بعيد ميسر

ثم الظرب قول
الصلب وسمين
كريم الخيل قبول
واهدوا للامين

والفرس اللحيث
اب ذنبا طويل
لنبينا الشريف
لجهاد الرزيل

ويكرم للفرس
يمسح لوجهو بثوبه
لطبيعتة ودرس
والخيل من مطلوبو

ناصيتو للفرس
الخير معقود فيها
وسباقات ترس
ونبينا جايزتو ليها

على خير العرب
صليت يا احبابي
وسلمت بطرب
نرجولفتح الباب

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

سيرة النبي في طعامو
ما يحبه وفي شرابه
والاكل كيف كان نظامو

ياكل البطيخ بالرطب
والتمر والعجوه وعنب
والفستق الشامي الجلب
والتين واللوز العجب

وياكل الشمام وتوت
والزبيب مالي البيوت
والزنجبيل الخير قوت
وفاكهة الرمان يوت

في اللحوم ياكل نبينا
للابل والضان وبقرا
والدجاج والحوث حينا
ولحمة الوحش الحمارا

وياكل الطير الحبارى
والطيخ والمخ وارنب
والقرع حاز الصداره
والجراد المقلي حب

ويشرب اللبن ويحبه
والنبيذ تمرى وزببنا
والعسل بركات وطبه
والشعير يشرب مطيبا

نبينا في اكله وشرابه
لم يحرم ما يعيفو
تاركا ما شك ورايه
ومكرما للجار وضيفو

صل رب على نبينا
محمد الماحي الذنوبا
الاغر هادي ورزينا
حبه الواجب وجوبا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

ناقات الحبيب

هذا الشرف باننا
ناقات للحبيب
بيشرب البانا
انا ليك بوصفن

في يقظه ومنام باللبن نتباشر
ناقات للرسول تعدادا اطناشر
بذاتو الشريفة للحلب قد باشر
مرات اللصوص ساموها بي كل شر

اسماها العريس وبرده والحناء
سعديه وبعوم ويسيره والسمراء
والحفده ومهره وبرده والرياء
ولا تنسى الاخير اسمها الشقراء

النبي واهل بيتو يعيشو بالالبان
قربات من لبن من جملة الحلبان
اغاروها اللصوص بنية السلبان
الراعي القتل يسار ومرمي مهان

ناقات النبي الترعى في الغابه
من طرفه واثل كل النبات طابه
من شمس الشروق لمن تغيب جابا
وتحلب ناقتين لو طه حلابا

لي كل زوجه من زوجاته ناقه
الضيف والغريب البانها ذاقا
مرات لي احد رعيانا قد ساقا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

من ورق الشجر كيف لبنها الراقا

نبي كان لا يرد هديه من البان
بالفطره السليمه في المعارج بان
الاشفى المراضا وداوى للجربان
الواصل صيامو شعبان ولي رمضان

صليت والسلام يوصلو في الحجره
على النبي الكريم الخاطب الشجره
وانقذ للضعاف بالدين والهجره
عدد الجاريات من ماء في مجرى

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

نعل النبي صلعم

نعل النبي يا سامعي
طوله شبرا واصبعين
من جلد بقر لامع
ونعله للمشي المعين

عنده نعلين اسودين
هديه من ملك النجاشي
ومن دحيه الكلبي نعلين
يلبسم في طيبه ماشي

قال رسولنا في حديثه
لايس النعل كراكب
كان مسعود في جلوسه
لي نعاله هميم وجالب

والتولوا دموع ويبكوا
قال لا اجد حملا لكم
طلبوا النعال كما حكوا
ورضي الرحيم لفعلكم

كان يخصف لي نعالو
يلبس المرقوعه راضي
ربي صلي عليه وآله
خير من حملت اراضي

كان مرات يمشي حافي
يشرف الارضين برجله
الحبيب ابو قلب صافي
ومترفين من فعلو خجلو

صلي حافي ومره لابس
وصلى بي مرقوع نعالو
ولي قريش المطره حابس
والشجر بي شوق سعالو

ربي صلي على منانا
ما هفت لي روحو دنيا
ورفقة الخير في الجنانا
ونكتب امداح الف غنيه

ديوان القمر الهاشمي

الراوي الدكتور / خالد أحمد المصطفى (رحمه الله)

مديح المخلوقات



اسراب القطا

يا آمنه بيهو استبشري
العيده يوم المحشر
يا ربي صلي وسلما
تسعه اشهر بالكمال
لا تشكو وجعا لا مغص
يا آمنه يا ام الجمال
الزاد لخيرنا وما نقص
بشري لي آمنه في مناما
حملتي خير العالمين
بي سيد الناس والاناما
محمد الهادي الامين
سجدت له اسراب قطا
نشرت من الفرح اجنحا
دا القدمه للسموات يطا
والكفر صار مترنحا
في كتفه خاتم مبعثو
ويهود بيبكوا ويلطموا
يصحى الكحيل ما اشعث
والعزى صنما حطموا
ضوا نورا قصور بصرى
ورضوان يبشروا بالنعيم
الواضع الاغلال واصرا
و اللينا يوم الدين زعيم
يوم مولدو ابليس مرض
وملايكة تنشر في الدروب
تلاته اعلام في الارض
الكعبه وشروق والغروب
صلواتي يا ربي الودود
على النبي الفاق الجميع
والسلام عدد الجدود
واقبلنا يا ربي السميع

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

النجم الاحمر

طه اول وطه آخر
والختام بالمسك وحمدي
ونحن بي طه بنفاخر
بحيره الراهب البصري
وعالم علما في زمنو
يقول هذا نبي العصر
وهذي علامه في بدنو
وفي الاخبار يهود علما
قالوا الشاف نجم أحمر
علامة احمد ارض وسما
سماوه يفيض ويملا البر
بخاري في خبر الصحيح
والرووه بلا عدد
كان النبي مخلوق صليح
وابونا بين روح والجسد
وقال ابو كرز في قدمه
تشبه اقدم الخليلو
وفي المقام الرغم قدمه
الا واضح هو المثلو
الاسمه مكتوب في العرش
والدعوة لابراهيم خليلنا
النام على الجوع والبرش
والحادي للرحمن دليلنا
دا النبي المبعوث لكافه
والنبايا تحت لواهو
ويوم تجيهو الناس حافه
وتدخل النبيان حواهو

صل يا من لينا ارسل
رحمه لي كل العوالم
للنبي القت ليهو سل
تعط والناس بيبك سوالم

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

ايوان كسرى

زمن عجائب الدنيا سبعة
وضمنها الايوان لكسرى
جائتا في ميلادو بشرا
تشقق الايوان وكسرا
كان عدد شرفاتو كسرى
اثنين وعشرين شرفه
تحطمت في الليلة قسرا
الا التمانيه لها جلد
في العراق ارض المداين
يبني لي ايوانه كسرى
اسمه سابور ذي الركاب
يبني لي ساسان قصرا
في جنوب بغداد قصروا
فخر لي معمار قلاعه
وكسرى بالاسوار حصروا
واربعين متر ارتفاعه
ومن علامات لي نبينا
في قصر ساسان العجيب
تصدع السور المتينا
وانتصار سعد الرهيب
ثم في ميلاده خافوا
وانطفت نيران فارس
غرفة النيران وافوا
والجميع هايب وعابس
زورو في ارض المداين
قبر سلمان وحذيفه
الصحابه النور وباين
ورثوا للايوان بسيفا
صلي ربي على حبيبنا
صلي عد تعداد سيبينا
ويا الهنا ويا حسيننا
اجعل الرحمات نصيينا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

البراق

براقا خلوب
انواره باهره وفاقه
ينزل في القلوب
زي الحديد والصاقه

قت ليه يا حبيب
ارحم عيوني الدامعه
محتاج الطيب
دكتور وقاري الجامعه

قال لي اشتكي
أنا أذاني كلها سامعه
قت ليه اتكي
انا روحي هايمة وطامعه

قت ليه الغرام
في جوفي قايمه حريقه
يا الناس الكرام
شوفولو اي طريقه

قال لي مستحيل
داير ام قصور وفريقا
واب طرفا كحيل
لا تكون شهيد لا غريقا

قت ليه الهيام
نيرانو حرقتم دمي
والناس النيام
وأنا جنبي راقد همي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

قال لي يا عشوق
سيب الكلام المايل
لو حتى الحلو
بالسيف دمها سايل

أخير احسن تروق
والدنيا ظلها زایل
غير كي الحروق
فوق العشوق ما خايل

قت ليه الامان
لي عقلي أصبح طاشي
قال لي من زمان
في الشبكة عقلك خاشي

لو داير الضمان
خليكا هاشي وباشي
زي نغم الكمان
مجروح وقلبك كاشي

قال لي الوداع
طابق صلاتو سلامو
النبي المطاع
ما أحلى نادي كلامو

قت ليه البقاع
في الآخره بخشى ملامو
قال لي الشفاع
إترصرت أعلامو

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

سرير النبي

من خشب ساج عنقريبو
والوسار حبل الخزام
كان ينام فيهو الحبيبو
صل ربي عليه وسلام
كان يضع فوق السرير
من جلود محشيه ليف
والترف ناموا في حرير
ويكي والفاروق اسيف
ام سلمه تصف فراشو
مساحته زي ود الاحد
النبي وال بيتو عاشوا
في صعوبات في جلد
وكان فراشو مره رمله
ليس بينه وبيننا حاجه
ابن مسعود دمعته هملا
ويكي للمرسل وتاجا
ومره يفرش للعبايه
ينوم عليها فدهو روي
في الورع والزهد غايه
والاله قرانه يوي
ومره يرقد في حصيره
وجنبه مطبوع بي رسوما
وربي بيك سميع بصيرا
وبالمقام فاق للنجوم
كان يضع تحته الوساده
من سعف نخلات حشوها
ولله نفسه الابداء
وقدوه للدنيا الابوها
صلي ربي على حبيبك
نام في الارض ورمالا
وبالخلق عبدك ربيك
وما كنز ذهبيا ومالا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

نهر رجب

يا رجب في الجنة نهرا
ابيض الماء من لبن
وكالعسل في طعم زهرا
جاء في خبر الامالي
هو شهر الله الحرام
يا كريم فتاح ووالي
ليك من قلبي الغرام
شوف سفينة نوح بتجري
وفي رجب كانت بدايه
في محرم جاها جذر
في جبل جودي ونهايه
يا رجب يا شهر ناير
بارك النبي في هلالو
فيك رسول الله ساير
في العروج لي ذي الجلالو
يا رجب شهر الصياما
كم جوايز في صيامك
جئت شرفت الاياما
بارك الله في ايامك
في الجنان القصر خالص
لي كل من صام في رجب
لي كل من بالزهد خامص
للدنيا والشهوات حجب
وفيك معراج النبي
في اليقظه والنوم ثابتا
واقرا الحديث خبرا جلي
من مكه سافر وبايتا
صليت على من أعرجو
في العرش وكلم ربنا
والاسم أعلوا وادرجو
ونشهد بانك حبنا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المخلوقات

حمامات المدينة

يا حمامات المدينة
لو سمحتي تكلمينا
حدثينا وقولي لنا
أحكي من آلاف سنينا
قولي كل ما بتعرفي
بارتباط النور بطيبه
أملني كيلى وأعرفي
لجذور هاشم وشبيهه
في هيام والحب عذاب
حمامة فوق القبه ماتت
والقلب في نار مذاب
وروحا اتفرقت وفاتت
والحمام بالقبه طائف
ويحكي اسرار الغرام
فيه اسرار من لطايف
أصله في البيت الحرام
جات حمامه ورفرفت
تسرد التاريخ وتحكي
والعيون الأذرفت
أنتي ليش يا باهيه تبكي
ابن سلمى بنت عمرو
جدة المختار وأبو هو
من بني النجار صهروا
ناسبو هوا وما أبو هوا
عبد المطلب مولود بطيبه
وهم أخوال لي نبينا
بني النجار الفرعو هيبه
نصروا الدين المبينا
صلي يا رب المغارب
والسلام فايض كتير
على النبي ثم الأقارب
الهاشمي البر العطير